

JP "TOPLANA" d.d. TEŠANJ

Dukva bb, 74260 TEŠANJ

Fax: 032-650-826

E-mail: toplana@bih.net.ba

Tel: 032-650-508

Web adresa: [www.toplana-tesanj.com.ba](http://www.toplana-tesanj.com.ba)

---

## **IZVJEŠTAJ O POSLOVANJU**

# **JP "Toplana" d.d. Tešanj za 2023. godinu**

**UPRAVA**

1. Direktor	Enes Galijašević, dipl.maš.ing.	od	18.09.2021.god.
2. Finansije	Hamila Hrnjić, knjigovođa	od	20.05.1998.god.
3. Tehnika	Armin Kuprić, dipl.maš.ing., tehnički rukovodilac	od	04.10.2015.god.

**Pravna regulativa**

Javno preduzeće „Toplana“ d.d. prema registraciji nadležnog Općinskog suda Zenica.  
 Rješenje o upisu u sudski registar broj: 043-0-Reg-09-000378, od 02.09.2010.godine.  
 Upisano kod Registra vrijednosnih papira u Federaciji BiH, prema Odluci broj:02-3-1-2757/11, od 22.02.2011. godine.  
 Statut JP Toplana d.d. broj:II-251-2/12 od 29.02.2012. godine  
 Pravilnik o radu broj:194-III-03/17 od 02.03.2017. godine

**Organiziranost/Procedure – Potencijalni priključci**

Priključak za sve kategorije korisnika se odvija po proceduri opisanoj u Odluci o zagrijavanju Tešnja daljinskim grijanjem i Uslovima za isporuku i preuzimanje toplotne energije.  
 Osnovni uslov priključenja je da potencijalni korisnik ima tehničku mogućnost priključenja, a svi drugi uslovi su propisani u navedenoj Odluci, kao i rokovi za pojedine aktivnosti na priključenju.  
 Zone priključenja se kreću od industrijske zone Bukva do gradske zone u obuhvatu postojećih kapaciteta vrelovodu, u obuhvatu projekata toplifikacije Stara čaršija - GRANA IX i Simetrane - SŠC Tešanj, kao i priključenje na jedinstveni sistem u novoizgrađenim objektima investitora STAR S, TEŠPED i HG Krndija

**Historija**

Centralizovana toplifikacija Tešnja započela je realizacijom programa grijanja industrijske zone u toku 1983./1984. godine. Pored opšte poznatih prednosti toplifikacije grada, pri utvrđivanju i razradi osnovne koncepcije, imala se u vidu uloga i značaj koji će toplifikacioni sistem imati u složenom urbanom i industrijskom razvoju grada, kao i racionalno korištenje energije i zaštita životne okoline.  
 Toplana je locirana na lokalitetu industrijske zone Bukva udaljene od grada Tešnja 1,5 km i ima lokacijske uslove za opsluživanje potrošača toplotnom energijom.

Decembra 1984.godine toplana je puštena u rad. Izgrađena je udruženim sredstvima fabrika koje su locirane na lokalitetu Bukva. Toplana je radila u sastavu „Pobjeda“ - fabrika pumpi i prečištača Tešanj, OOUR Energetika.

Od 1.jula 1997.godine OOUR Energetika se izdvojila iz „Pobjeda“ - fabrika pumpi i prečištača Tešanj u „Toplana“ d.d. Tešanj kao preduzeće u osnivanju. Od 1. januara 1998.godine pa sve do danas „Toplana“ Tešanj posluje kao samostalno preduzeće.

Toplana danas zapošljava 18 stalno zaposlenih radnika i 4 radnika na određeno radno vrijeme.

Za potrebe proizvodnje toplotne energije u Toplani su instalisana dva kotla na čvrsto gorivo sa mehaniziranim loženjem.

Ukupno instalisani proizvodni kapaciteti u Toplani iznose 13 MW.

## 1. Udružiocu u izgradnji „Toplane“ d.d. i procenat učešća

Dana 07.08.1997. godine sačinjen je zapisnik o usaglašavanju udruženih sredstva za izgradnju „Toplane“. Učesnici usaglašavanja i potpisnici zapisnika bili su: „Unico Filter“: Šumić Marica, „Pobjeda“ d.d.: Salkičević Nevzeta, „Enker“: Hadžikadunić Fikret, Općina Tešanj: Kruško Hakija, i „Toplana“d.d. Tešanj: Džebić r. Rifat.

Pregled učešća udružilaca u izgradnji u „Toplane“ d.d. Tešanj na dan 07.08.1997 godine:

R.b	Učešće udružilaca u izgradnji Toplane:	YUD	DEM	%
1.	UNICO Filter (sadašnji MANN+HUMMEL)	123.688.499,80	2.826.647,95	44,10
2.	"Pobjeda" dd	89.363.040,25	1.596.302,53	24,90
3.	"ENKER"	74.228.484,00	1.362.678,07	21,30
4.	SIZ (Općina Tešanj)	29.552.901,75	620.915,42	9,70
Ukupno sva udružena sredstva		316.832.925,80	6.406.543,97	100,00

## 2. Reorganizacija „Toplana“ d.d.

Toplana je radila u sastavu „Pobjeda“ - fabrika pumpi i prečištača Tešanj, OOUR Energetika. Od 1.jula 1997.godine OOUR Energetika se izdvojila iz „Pobjeda“ - fabrika pumpi i prečištača Tešanj u „Toplana“ d.d. Tešanj kao preduzeće u osnivanju. Od 1. januara 1998.godine pa sve do danas „Toplana“ Tešanj posluje kao samostalno preduzeće, a trenutna vlasnička struktura data je u sljedećoj tabeli:

1	Osnovni kapital	KM	%
1.1	Državni kapital	3.330.690,00	76,55
1.2	Privatni kapital	1.020.310,00	23,45
Ukupno osnovni kapital		4.351.000,00	100 %

Djelatnost preduzeća obuhvata proizvodnju i distribuciju toplotne energije kao osnovni zadatak u sklopu komunalne djelatnosti kojoj pripadamo.

Ukupni broj korisnika naših usluga (privrednih i fizičkih lica, kao i institucija) iznosi 820 (68+752) ukupna površina koju trenutno grijemo iznosi cca 99.078,00 m<sup>2</sup> prema sljedećoj strukturi: (HAMILA+ARMIN)

☛ Stambeni prostor 44.568,00 m<sup>2</sup>  
 ☛ Poslovni prostor 29.510,00 m<sup>2</sup>

Proizvodni prostor 200 000,00 m<sup>3</sup> (25.000 m<sup>2</sup>)

## Imovina i kapital

Opis imovine (nekretnine):

Nabavna vrijednost stalnih sredstava na dan 31.12.2023. godine iznosi 11.374.883,00KM. Ispravka vrijednosti je 7.564.656,00 KM što znači da su ova sredstva amortizovana to jest otipisana sa 66,5%. Neto sadašnja vrijednost iznosi 3.810.227,00 KM. Najveća neto vrijednost iskazana je na kontu 021-građevinski objekti u iznosu od 2.730,977,00 što iznosi 71,7 % ukupnih stalnih sredstava.

## Nadzorni odbor

Na II vanrednoj Skupštini, odlukom broj: 325-II-04/22 od 01.04.2022. imenovan je Nadzorni odbor u sljedećem sastavu:

- Almir Ljevaković, dipl.maš.ing.- predsjednik Nadzornog odbora
- Aida Halilović, profesor- član Nadzornog odbora
- Haris Ibranović, profesor- član Nadzornog odbora

Odlukom broj 326-II-04/22 od 01.04.2022.godine usvojenoj na II vanrednoj skupštini regulisana je naknada NO i ona iznosi: mjesečni paušal za obavljanje funkcije predsjednika Nadzornog odbora preduzeća u iznosu od 230,00 KM , kao i mjesečnu naknada u iznosu od 60,00 KM za svaku redovnu i vanrednu sjednicu i mjesečni paušal za obavljanje funkcije člana NO u iznosu od 200,00 KM, kao i mjesečnu naknadu u iznosu od 60,00 KM za svaku redovnu i vanrednu sjednicu NO.

Odlukom broj 427-II-05/22 od 05.05.2022. godine usvojenoj na 23. redovnoj Skupštini JP "Toplana" d.d. Tešanj stavljena je van snage odluka broj: 326-II-04/22 od 01.04.2022.godine o naknadama Nadzornom odboru I usvojena je sljedeća odluka o naknadama Nadzornom odboru: Predsjedniku Nadzornog odbora JP " Toplana " d.d. Tešanj utvrđuje se mjesečni paušal za obavljanje funkcije predsjednika Nadzornog odbora preduzeća u iznosu od 25 % prosječne neto plate isplaćene u FBiH u mjesecu septembru prethodne godine za godinu u kojoj se naknada isplaćuje.

Članovima Nadzornog odbora JP " Toplana " d.d. Tešanj utvrđuje se mjesečni paušal za obavljanje funkcije članova Nadzornog odbora preduzeća u iznosu od 20 % prosječne neto plate isplaćene u FBiH u mjesecu septembru prethodne godine za godinu u kojoj se naknada isplaćuje.

Nadzorni odbor radi i djeluje u skladu sa Statutom i pozitivnim zakonskim propisima i za svoj rad odgovoran je Skupštini JP Toplana d.d., koja zasjeda minimalno jednom godišnje.

Na 3. Vanrednoj Skupštini održanoj dana 22.12.2023. godine, odlukom broj:463-II-12/23 izabran je Odbor za reviziju u sastavu:

- Denis Halilović, dipl. oec. – predsjednik Odbora za reviziju
- Selma Prnjavorac, dipl.iur. – član Odbora za reviziju
- Nedim Ahmetagić, diploec. – član Odbora za reviziju

Odlukom Skupštine broj: 464-12/ 23 od 22.12.2023. godine defonisana je naknada Odboru za reviziju I ona iznosi : Predsjedniku i članovima Odbora za reviziju JP " Toplana " d.d. Tešanj

utvrđuje se mjesečni paušal za obavljanje funkcije predsjednika 150,00 KM mjesečno, a članovima Odbora za reviziju preduzeća u iznosu od 120,00 KM, kao mjesečna naknada.

### Izjava o misiji

Naša misija je usmjerena na to da pravnim subjektima i građanima Općine Tešanj obezbjedimo:

- kontinuirano,
- pouzdano,
- sigurno,
- ekonomično

snabdjevanje toplotnom energijom, na ovaj način ćemo doprinijeti dobrobiti šire društvene zajednice i ugodnom ambijentu za naše građane.

### Izjava o viziji

Kao vodeći proizvođač toplotne energije na području općine Tešanj želimo osigurati ekološki čistu okolinu, te stvarati vrijednosti koje će istinski zadovoljiti potrebe naših klijenata u kojoj svaki pojedinac ima pravo na zdrav i kvalitetan život.

Vodeći se zahtjevima naših sadašnjih i potencijalnih korisnika, naša je vizija, biti prvenstveno najbolji u njihovim očima, a zatim i na tržištu.

### Stepen realizacije ciljeva

#### Ciljev

Redni broj	Naziv cilja	Stepen realizacije	Procenat (%)
1.	<i>U saradnji sa Općinom poduzeti pripremne aktivnosti na rekonstrukcija vrelovoda kružni tok – Krdija.</i>	Urađen Idejni projekat REKONSTRUKCIJE VRELOVODA KRUŽNI TOK-KRNDIJA TEŠANJ.Podnešen zahtjev od strane Toplana za dodjelu budžetskih sredstava za kapitalne projekte Općine Tešanj u 2021.,2022., isti zahtjev ponovljen i u 2023.godini dosada sredstva nisu odobrena. Izvršena prijava na javni konkurs za dodjelu sredstava za realizaciju projekta u 2022.godini prema Fondu za zaštitu okoliša FBiH, u 2023.godini nismo izvršili prijavu jer nismo ispunjavali uslove.	35
2.	<i>Naplatiti potraživanja od kupaca dospjela, a ne naplaćena sa 31.07.2023.</i>	Stepen naplate potraživanja sa 31.07. 2023. je 81,2%.	81,2

3.	Provesti recertificirajući audit sistema upravljanja kvalitetom po normi EN ISO 9001:2015 / EN ISO 14001:2015	Uspješno proveden recertificirajući audit sistema upravljanja kvalitetom po normi EN ISO 9001:2015 / EN ISO 14001:2015 i potvrđeno da društvo uspješno i kontinuirano provodi mjerenje i radnje propisane ovim standardima.	100
4.	Izvesti neophodne remontne radove, kao i pripremu za narednu grijnu sezonu 2023./2024., realizirati najdalje do 30.09.2023.godine	Uspješno realizovane sve planirane aktivnosti prema planu remonta. Sistem daljinskog grijanja u potpunosti je bio spreman za početak grijanja u planiranom terminu. Početak grejne sezone 2023./2024. godine 12.10.2023.godine	100
5.	U cilju provedbe obaveza vezanih za zakon o zaštiti zraka i standard ISO 14001, vršili redovni monitoring kvaliteta zraka, te sastava dimnih plinova na dimnjaku	U toku 2023. godine u cilju provedbe obaveza vezanih za zakon o zaštiti zraka i standard ISO 14001, vršen je redovni monitoring kvaliteta zraka, te sastava dimnih plinova na dimnjaku na dva kotla KLM 100, u različitim terminima i danima. Rezultati pokazali da nema odstupanja od zakonom propisanih vrijednosti za pojedine emisije.	100
6.	Smanjiti broj opravdanih reklamacija za 1% u odnosu na 2022.godinu	U toku 2023. godine imali smo dvije pismene reklamacije na kvalitet grijanja, međutim mjerenjem temperature i obilaskom prostora utvrđeno je da iste nisu opravdane, te shodno tome pošto je u 2022. godini bila jedna opravdana reklamacija, onda znači da smo u 2023.godini imali manji broj reklamacija. Razlog manjem broju reklamacija je u boljem kvalitetu usluge grijanja koje smo pružali u odnosu na prethodnu grejnu sezonu, kao i većim vanjskim temperaturama zraka.	100

Redni br.	Dugoročni ciljevi (5 - 8 godina)	Rok za realizaciju cilja	Napomena
1.	Zamjena postojećih kotlova na ugalj (rekonstrukcija kotlovnice) sa kotlovima na bio masu nominalne snage 2x10 MW u skladu sa Idejnim rješenjem toplifikacije općine Tešanj ili 2x8 MW kako je to definisano u Tehno – ekonomskoj studiji opravdanosti toplifikacije Općine Tešanj koja je urađena u toku 2017. godine.	31.12.2025.	Realizacija se odvija fazno u saradnji sa Općinom Tešanj, Fondom ZZO i ČRO
<b>Kratkoročni ciljevi (1 - 4 godine)</b>			
1.	JPP pokušati animirati potencijalne investiture za ulaganje u ove projekte.	31.12.2024.	Izvršena prijava projekta
2.	Uraditi glavni projekat toplifikacije Općine Tešanj.	31.12.2024.	
3.	Nastaviti toplifikaciju gradskog jezgra u obuhvatu projekta Stara čaršija - GRANA IX.	2020.-2022.	Projekat dostigao krajnje granice
4.	Izvršiti zamjenu diktir sistema na Toplani (uraditi projekat, izvršiti nabavku i ugradnju),	31.12.2024.	Izvršena analiza Sistema i gubitaka, kao priprema projekta
5.	Izvršiti zamjenu dijela ekranskog sistema na kotlu KI-zadnja komora	31.12.2024.	Očekujemo punu realizaciju u toku godine
6.	Uraditi projekat SCADA system (daljinski nadzor i upravljanje radom toplotnih podstanica iz jednog komandnog centra)	31.12.2024.	Realizacija u

			toku
7.	Balansiranje vrelododne mreže.	31.12.2024.	Aktivnosti u toku
8.	Izvesti projekat ugradnje solarne fotonaponske elektrane SE TOPLANA 23 kW	31.12.2020.	Cilj izvršen

### Strategije za dostizanje ciljeva

1. U skladu sa usvojenom strategijom općine Tešanj, aktivno se uključiti u kreiranje novih modela sistema daljinskog grijanja u skladu sa domaćim propisima i direktivama EU.
2. Saradnja sa Vladom ZD Kantona u regionalnom pristupu toplifikacije općina Tešanj, Usora i Doboj Jug.
3. Podizati svijest građana i korisnika o značaju zaštite okoliša.
4. Kontakt sa potencijalnim investitorima.
5. Prezentovanje prihvatljivih modela daljinskog grijanja osnivaču i većinskom vlasniku.
6. Kroz energetsku efikasnost graditi i modelirati nastup na tržištu.

Dio

2

## Rezultati

### USLUGE

Redni broj	Vrsta usluge	Vrijednost u 2022.	Vrijednost u 2023.
		[KM]	[KM]
1.	Prodaja toplotne energije	2.008.866,00	2.397.272,00
2.	Prodaja robe na dom. trž.		
3.	Ostali poslovni prihodi	91.242,00	70.183,00
	UKUPNO	2.100.108,00	2.467.455,00

### RAD SA STRANKAMA – pisana korespondencija

Redni broj	Predmet	Broj predmeta u 2022.		Broj predmeta u 2023.	
		Primljeni	Primljeni	Primljeni	Riješeni
1.	Zahtjev za priključenje	64	64	13	13
2.	Zahtjev za Energetsku saglasnost	64	64	13	13
3.	Zahtjev za izdavanje Načelne saglasnosti	0	0	1	1
3.	Zahtjev za blindiranje	17	17	27	27
4.	Zahtjev za isključenje	20	20	16	16
5.	Zahtjev za umanjenje fakture	1	1	4	4
6.	Odgovori na zahtjeve i prigovore	5	5	4	4

## RAD SA STRANKAMA – direktna komunikacija putem sastanaka

Redni broj	Primljene stranke	Broj primljenih stranaka u 2022.	Broj primljenih stranaka u 2023.
1.	Grupa građana -prigovor	1	2
2.	Informacije	5	7
3.	Grupa građana-proširenje mreže	1	0
4.	Razna pitanja i pojašnjenja	10	15

## RAST BROJA KORISNIKA

GODINA	KATEGORIJA PROSTORA					
	STAMBENI [m <sup>2</sup> ]		POSLOVNI [m <sup>2</sup> ]		PROIZVODNI [m <sup>3</sup> ]	
2015.	30.957	596	29.150	71	50.666	3
2016.	31.907	616	29.250	74	96.000	4
2017.	32.521	620	29.564	81	96.000	4
2018.	33.246	635	30.097	78	96.000	4
2019.	34.516	658	30.547	75	96.000	4
2020.	35.998,00	691	28.982,40	72	146.000,00	4
2021.	39.693,40	706	28.982,40	78	190.000,00	4
2022.	43.412,70	749	29.056,00	69	200.000,00	5
2023.	44.568,00	752	29.510,00	68	200.000,00	5

- ☞ Stambeni prostor 44.568,00 m<sup>2</sup>
- ☞ Poslovni prostor 29.510,00 m<sup>2</sup>
- ☞ Proizvodni prostor 200.000,00 m<sup>3</sup> (25.000 m<sup>2</sup>)

Rast broja korisnika, iz kategorije stambenog prostora, u 2023. godini ima manji trend u odnosu na prethodne godine, imajući u vidu da je u toku 2023.godine bio jedan značajniji broj isključenja i blindiranja korisnika sa jedinstvenog Sistema grijanja.

U 2023. godini imamo ukupno 13 novih korisnika grijanja od toga 10 fizička lica i 3 pravna lica i to 450 m<sup>2</sup> stambeni prostor i 130 m<sup>2</sup> poslovni prostor (ukupno 580 m<sup>2</sup>). Od ranije blindiranih korisnika deblindirano je 14 novih korisnika - 770 m<sup>2</sup>.

U isto vrijeme blindirano je 27 korisnika i isključeno 16 korisnika usluga grijanja od toga.

## GUBITCI U SISTEMU

Godina	Cilj (planirano smanjenje) [%]	Ostvareno [%]	Napomena
2015.	31	30,60	
2016.	29	24,68	
2017.	28	21,49	
2018.	25	25,27	
2019.	24	20,36	
2020.	23	21,98	
2021.	22	21,37	
2022.	20	18,22	
2023.	25	20,18	

- Zamjena starih cjevovoda sa predizolovanim cijevnim sistemima,
- Ugradnja automatike u podstanice,



- Balansiranje mreže,
- Uvođenjem Sistema daljinskog nadzora i upravljanja,
- Poštivanje Opštih i tehničkih uslova
- Uvođenje metode termodetekcije kvarova

## ZADOVOLJSTVO KORISNIKA USLUGA

### a. Performansa usluge (brzina priključka, administriranje, brzina otklanjanja kvara)

- Sve aktivnosti oko novih priključaka, zahtjevi, odgovori, saglasnosti se dostavljaju u rokovima predviđenim Opštim i tehničkim uslovima.
- Otklanjanju kvara na instalacijama grijanja, za koje je odgovorna Toplana, se pristupa odmah te u 2023.godini nismo imali dužih prekida u isporuci toplotne energije.
- Obrada zahtjeva za priključenje se odvija u rokovima predviđenim u Odluci o zagrijavanju Tešnja daljinskim grijanjem i Uslovima za isporuku i preuzimanje toplotne energije.
- U pomenutoj proceduri JP Toplana naplaćuje samo naknadu za izdavanje energetske saglasnosti u paušalnom iznosu od 40,95 KM. Ostali troškovi zavise od projekta i veličine prostora i na njihovu visinu Toplana nema uticaj.
- Ankete zadovoljstva kupaca se provode redovno svake grijne sezone, a prosječna ocjena za grijnu sezonu 2023./2024. iznosi 4,52 Ova ocjena dobivena je na osnovu ankete provedene među našim korisnicima usluge iz kategorije pravnih i fizičkih lica

b. *Upitnik zadovoljstvo kupca* se svake godine dostavlja našim korisnicima, a kreirala ga je certifikacijska kuća u saradnji sa Toplanom. Nakon provedene ankete dobijeni upitnici se analiziraju te se po potrebi poduzimaju mjere koje su propisane po standardu 9001:2015 i 14001:2015 koji su implementirani u Toplani.

Konstantno se sa korisnicima razgovara o kvalitetu naše usluge putem direktnog kontakta, putem naših instalatera centralnog grijanja, te drugim načinima komunikacije: telefon, mail, medija i dr. Također se obavljaju razgovori sa potencijalnim korisnicima putem direktnih sastanaka, kao i drugim putem u zavisnosti od trenutnih mogućnosti.

## UPOSLENI

### a) Podaci o uposlenim:

JP "Toplana " d.d. Tešanj trenutno zapošljava 18 stalno zaposlenih radnika i 4 radnika na određeno radno vrijeme (2 traktorista, 1 rukovalac parnim kotlovima sa mehaniziranim loženjem, 1 instalater grijanja ), a u tabeli koja slijedi prikazuje uposlene na dan 31.12.2023. godine, slijedeće kvalifikacione strukture:

Stručna sprema	Broj zaposlenika	Napomena
VSS	3	
VS	0	
VK	0	
SSS	4	
KV	13 ( 11+2)	2 radnika na određeno
PK	2	2 radnika na određeno
<b>UKUPNO:</b>	<b>22</b>	

U 2023. godini jedan radnik je stekao uslove za penzionisanje sa 01.11.2023. godine. Edukacija personala se planira, organizuje i izvodi na nivou Toplance u skladu sa godišnjim Planom edukacije. Takođe, praktikujemo da po stručnoj liniji prisustvujemo eksternoj edukaciji u obliku seminara i savjetovanja u organizaciji akreditovanih organizacija u BiH, a naročito se posvećuje pažnja edukacijama iz oblasti javnih nabavki.

#### b) Zadovoljstvo uposlenih

Zadovoljstvo uposlenih se prati između ostalog i putem ankete, nakon čega se ista analizira i po potrebi poduzimaju određene radnje. U 2017. godini na nivou Toplance, implementirana je nova radnopravna regulativa u skladu sa novim zakonom o radu koja je na snazi.

OPIS	2023.	2022
Broj zaposlenih	22	22
Prosječna neto plata	1.253,00	1.129,00
Prosječna bruto plata	2.017,00	1.908,00
Topli obrok / radniku	248,00	178,00
Regres / radniku	53,00	35,00
Prijevoz / radniku	66,00	38,00
Prosječna ukupna primanja po radniku	1.620,00	1.380,00
Posljednja maksimalna plata	2.307,00	2.172,00
Posljednja minimalna plata	805,00	575,00

- Prijem novih zaposlenika

U 2023.godini izvršili smo prijem sljedećih uposlenika:

- Na osnovu raspisanog oglasa za prijem radnika broj 55-04 /23 objavljenog na oglasnoj tabli Biroa za zapošljavanje, web stranici Toplance i na portalu Tešanj Net, te dnevnom listu Oslobođenje (27.04.2023.god), izvršen je prijem 2 radnika u stalni radni odnos (1 radnika na poslovima Rukovalac parnih kotlova sa mehaniziranim loženjem i 1 radnik na jednostavnim poslovima utovara, pretovara i prenosa terete).

- Na osnovu raspisanog oglasa za prijem radnika broj 93-09 /23 objavljenog na oglasnoj tabli Biroa za zapošljavanje, web stranici Toplance i na portalu Tešanj Net, te dnevnom listu Oslobođenje (20.09.2023.god), izvršen je prijem 4 radnika (2 radnika na jednostavnim poslovima utovara, pretovara i prenosa tereta te 1 radnika na poslovima Rukovalac parnih kotlova sa mehaniziranim loženjem i 1 radnik na poslovima instalatera centralnog grijanja) u radni odnos na određeno radno vrijeme u trajanju od 6. mjeseci..

#### FINANSIJSKI IZVJEŠTAJ

- Ostvaren ukupni prihod u obračunskom periodu za 2023.godinu iznosi 2.467.455,00.KM, te je u odnosu na isti period prethodne godine veći za 388.406,00 obračunskom periodu 2023.godine najveći prihodi su evidentirani na kontu prihodi od prodaje učinaka (toplotne energije) u iznosu od 2.397.272.00.KM što je 97,2,% ukupnog prihoda.
- Ostvareni ukupni rashodi u obračunskom periodu 2023.godini iznose 2.458.601,00 ili 99,7%. U obračunskom periodu 2023. godine najveći rashodi su evidentirani na kontu materijalni troškovi (ugalj, el. energija, rezervni dijelovi, gorivo i mazivo) u iznosu od 1.258.726,00 KM što je 51,20% ukupnih rashoda.

Preduzeće je u 2023. godini ostvarilo neto dobit u iznosu od 7.678,00 KM koja se raspoređuje za pokriće gubitka iz prethodnog perioda koji (gubitak) je nastao do 2012. godine.

Cilj za 2023 ostvariti pozitivno poslovanje je ispunjen 100 %.

## BILANS USPJEHA

POZICIJA	Prethodna godina 2022	Tekuća godina 2023
<b>DOBIT ILI GUBITAK PERIODA</b>		
Poslovni prihodi	2.100.108,00	2.467.455,00
1) Prihodi od prodaje robe	00	00
2) Prihodi od prodaje učinaka	2.008.882,00	2.397.272,00
3) Prihodi od aktiviranja ili potrošnje robe i učinaka	00	00
4) Ostali poslovni prihodi	91.226,00	70.183,00
Poslovni rashodi	2.048.422,00	2.450.077,00
1) Nabavna vrijednost prodane robe	,00	00
2) Materijalni troškovi	1.084.153,00	1.258.726,00
3) Troškovi plaća i ostalih ličnih primanja	649.115,00	709.041,00
4) Troškovi proizvodnih usluga	71.237,00	95.283,00
5) Amortizacija	162.156,00	176.781,00
6) Troškovi rezervisanja	,00	00
7) Nematerijalni troškovi	71.792,00	73.928,00
Finansijski prihodi	16,00	567,00
Finansijski rashodi	9.270,00	8.524,00
Ostali prihodi i dobitci	00	00
Ostali rashodi i gubitci	00	00
Prihodi iz osnova usklađivanja vrijednosti		
Rashodi iz osnova usklađivanja vrijednosti		
Povećanje vrijednosti specifične osnovne imovine		
Neto dobit perioda	51.686,00	7.678,00
Neto gubitak perioda		
Prosječan broj zaposlenih na bazi sati rada	22	22
Prosječan broj zaposlenih na bazi stanja krajem mjeseca	22	22

## BILANS STANJA

AKTIVA			PASIVA		
POZICIJA	Tekuća godina (neto) 2023	Prethodna godina 2022	POZICIJA	Tekuća godina 2023	Prethodna godina 2022
Nematerijalna imovina	3.810.227,00	3.965.918,00	Osnovni kapital	4.351.000,00	4.351.000,00
Nekretnine, postrojenja i oprema	3.810.227,00	3.965.918,00	Upisani neuplaćeni kapital		
Investicione nekretnine			Emisiona premija		
Biološka imovina			Rezerve		
Ostala (specifična) osnovna materijalna imovina			Revalorizacione reserve	444.819,00	444.819,00
Dugoročni finansijski plasmani			Nerealizovani dobitci		
686Druga dugoročna potraživanja			Nerasposredena dobit	7678,00	51.686,00
Dugoročna razgraničenja			Gubitak do visine kapitala	188.285,00	239.271,00
Zalihe i imovina namjenjena prodaji	506.798,00	423.838,00	Otkupljene vlastite dionice i udjeli		
Novac, kratkoročna potraživanja i kratkoročni plasmani	1.645.089,00	1.184.208,00	Kratkoročne finansijske obaveze	624.000,00	226.003,00
<b>POSLOVNA AKTIVA</b>	<b>5.455.316,00</b>	<b>5.150.126,00</b>	Obaveze iz poslovanja	565.646,00	150.614,00
Vanbilasna aktiva			Obaveze iz specifičnih poslova		
<b>UKUPNA AKTIVA</b>	<b>5.150.126,00</b>	<b>5.417.995,00</b>	Obaveze po osnovu plaća, naknada i ostalih primanja zaposlenih	00	00
			Druge obaveze	00	00
			Obaveze za PDV		
			Obaveze za ostale poreze i druge dažbine		
			Obaveze za porez na dobit		
			<b>POSLOVNA PASIVA</b>	<b>5.455.316,00</b>	<b>5.150.126,00</b>
			Vanbilasna pasiva		

## IZVJEŠTAJ O NOVČANIM TOKOVIMA

OPIS	Tekuća godina 2023.	Prethodna godina 2022.
Neto dobit za period	7.678,00	51.686
- Amortizacija/vrijednost usklađivanja materijalne imovine		
- Smanjenje (povećanje) zaliha	176.781,00	162.156,00
- Smanjenje (povećanje) potraživanja od prodaje	(82.960,00)	423.838,00
- Smanjenje (povećanje) drugih potraživanja	(143.835,00)	647.625,00
- Smanjenje (povećanje) obaveza prema dobavljačima	(416.601,00)	158.090,00
Neto novčani tok iz poslovne aktivnosti	2.674.190,00	2.407.588,00
Neto priliv novca od ulagačke aktivnosti		
Neto odliv novca iz ulagačke aktivnosti	-21.019,00	6.343,00
Neto priliv novca iz finansijske aktivnosti		
Neto odliv novca iz finansijske aktivnosti	99.996,00	99.996,00
<b>UKUPNI PRILIV NOVCA</b>	<b>2.674.190,00</b>	<b>2.407.588,00</b>
<b>UKUPNI ODLIV NOVCA</b>	<b>2.354.596,00</b>	<b>2.088.183,00</b>
Novac na početku izvještajnog perioda	105.179,00	105.179,00
Novac na kraju izvještajnog perioda	319.594,00	105.179,00

## POKAZATELJI ANALIZE FINANSIJSKOG IZVJEŠTAJA

1. Pokazatelj profitabilnosti (za svakih 100 KM ukupnog prihoda, preduzeće ostvari 0,40%KM bruto dobiti (gubitka).

Marža bruto dobiti (gubitka) =  $\text{Bruto dobit} \times 100 / \text{Ukupni prihodi}$

2021  $118.676 \times 100 : 2.101.522 = 5,65\%$

2022  $57.956 \times 100 : 2.100.108 = 2,76\%$

2023  $8.800 \times 100 : 2.467.455 = 0,40\%$

2. Pokazatelj ekonomičnosti (za svakih 100 KM rashoda, preduzeće ostvari 100,71% KM prihoda.

Stopa ekonomičnosti =  $\text{Ukupni prihodi} \times 100 / \text{Ukupni rashodi}$

2021  $2.101.522 \times 100 : 1.982.846 = 105,99\%$

2022  $2.100.108 \times 100 : 2.042.152 = 102,84\%$

2023  $2.467.455 \times 100 : 2.450.077 = 100,71\%$

Pokazatelji likvidnosti

a) Stopa trenutne likvidnosti =  $\text{Novčana sredstva} \times 100 / \text{Kratkoročne obaveze}$

2021  $532.700 \times 100 : 531.047 = 100,31\%$

2022  $105.179 \times 100 : 226.003 = 46,54\%$

2023  $319.594 \times 100 : 624.000 = 51,20\%$

(za plaćanje svakih 100 KM kratkoročnih obaveza, preduzeće ima 51,20% KM novčanih sredstava)

b) Stopa tekuće likvidnosti = Tekuća sredstva x 100 / Kratkoročne obavez

2021 1.400.777x100: 531.047 = 263,78%

2022 1.184.208.x100:226.003 =523,98%

2023 1.645.089.x100:624.000 =263,64%

(za plaćanje svakih 100 KM kratkoročnih obaveza, preduzeće ima 263,64%KM novčanih sredstava i potraživanja)

3. Pokazatelj zaduženosti (ukupna imovina preduzeća finansirana je sa 14,50% tuđih sredstava,)

Stopa zaduženosti=tuđi izvori x100/ukupna aktiva

2021 797.723x100:5.417.995 = 14,72%

2022 493.168x100: 5.150.126= 9,58%

2023 790.680x100: 5.455.316= 14,50%

### ZAKLJUČAK:

Imajući u vidu ambijent u kojem poslujemo, možemo donijeti generalni zaključak da je Toplana u 2023. godini realizirala u potpunosti dodjeljenu misiju, bez obzira što je oprema u proizvodno-distributivnom segmentu izamortizovana i što su problemi vezani za kvalitet energenata sve prisutniji. Pokazatelji poslovanja iz godine u godinu se kreću u nekim uskim granicama i pozitivnom putanjom. Redovno je vršena proizvodnja i distribucija toplotne energije u skladu sa regulativom. Posmatrano kroz operativno-tehničku funkcionalnost proizvodnih i distributivnih kapaciteta, zadovoljstva kupaca i na kraju ostvareni finansijski rezultat, možemo zaključiti da je 2023. godina u poslovnom smislu bila vrlo uspješna. Zadržali smo veliku većinu postojećih korisnika i povećali broj novih korisnika.

Zbog izamortizovanosti proizvodnih postrojenja, neophodna je zamjena postojećih kotlova na uglj sa kotlovima na bio masu u skladu sa idejnim rješenjem toplifikacije općine Tešanj i Tehno-ekonomskoj studiji: Idejni projekat toplifikacija Općine Tešanj obnovljivim/ekološki prihvatljivim izvorima energije-FAZA I.

Ovdje bismo posebno podcrtali da je ovaj cilj, zamjena postojećih kotlova na uglj (rekonstrukcija kotlovnice) sa kotlovima na bio masu ima još veći značaj i prioritet imajući u vidu sve veći problem oko nabavke uglja, kao posljedica organizacionih problema samih rudnika, tako i sve veći problem nabavke uglja potrebne kvalitete za nesmetano odvijanje procesa proizvodnje.

Ovi problem su svake godine izraženiji te shodno tome posebno ukazujemo na ovaj problem i još veću potrebu za ostvarenje gore navedenog cilja.

*Ovdje je značajno istaći da smo u remontu u 2023.godini značajno povećali stepen pouzdanosti i efikasnosti kotlovskog postrojenja.*

U izvještaju želimo posebno istaći da smo u toku 2023.godine, a naročito prilikom pripreme i realizacije nabavke potrebnih količina uglja, zatim eksploatacije istih u toku pripadajućih grejnih sezona imali dosta problema a koji su se ogledali u slijedećem:

Nakon provođenja tendera za nabavku uglja u 2023.godini i izbora najpovoljnijeg ponuđača u toku ugovora uspjeli smo realizovati nabavku uglja u količini oko 1100 tona uglja iz RMU Zenica, nakon čega je došlo do potpunog prekida u isporuci jer RMU Zenica je prestao sa radom, odnosno pogon "Stara jama" iz kojeg smo dobijali uglj zadnjih 10 godina.

Imajući u vidu ovu činjenicu morali smo koristiti ostale ugljeve koji su bili dostupni na tržištu u tom momentu i u toku grejne sezone 2023./2024. godine, što je dodatno usložnilo poslovnu situaciju. Naime prvi problem je bio tehničko-tehnološki u smislu obezbjeđenja dovoljnih količina uglja koji može zadovoljiti zahtjeve procesa u smislu ostvarivanja potrebnih izlaznih temperature.

Shodno tome, dana 22.09.2023. godine zajedničkim dopisom, Općina Tešanj i JP Toplana dd Tešanj, obratili smo se i NO JP Elektroprivreda BiH d.d. Sarajevo i Upravi JP Elektroprivreda BiH d.d. Sarajevo sa zahtjevom za odobrenje potrebnih količina uglja za JP Toplanu U 2023.godini.

U odgovoru na naš zahtjev broj: 01-09-35947-1/2023 od 20.10.2023.godine, potvrđeno je da više ne možemo računati na ugalj iz RMU Zenica, te nam je sugerisano da potrebne količine uglja pokušamo obezbijediti iz rudnika RMU Breza, RMU Banovići, RMU Đurđevik kao uglja koji bi po tehničko-hemijskim svojstvima bio najpribližnji uglju iz RMU Zenica.

Nakon toga uputili smo svim rudnicima zahtjev za ponudu i odobrenje potrebnih količina uglja, međutim samo je RMU Breza odgovorio na isti zahtjev, a pozivajući se na sugestiju i stav Elektroprivrede BiH.

RMU Breza je isporučio nekoliko probnih uzoraka uglja i nije mogao isporučiti ugalj u potrebnoj količini, a onaj koji je isporučen bio je lošeg kvaliteta i gotovo neupotrebljiv u procesu, a sve iz razloga tehničko-organizacionih problema u rudniku.

Nakon nekoliko reklamacija i prigovora, dobili smo odgovor da RMU Breza nije u mogućnosti isporučiti ugalj boljeg kvaliteta od onoga koji sada imaju, a takav ugalj nije bio odgovarajući i nije mogao zadovoljiti zahtjeve procesa.

Poslije svega, u potpunosti smo se vratili na nabavku ostalih ugljeva koje smo probali kroz proces u prethodnoj grejnoj sezoni, a to su rudnici: Gračanica, RMU Banovići, Ugljevik, RMU Đurđevik, koje smo nabavljali po dinamici koja je bila moguća na tržištu od strane našeg dobavljača.

Međutim, problemi za koji smo znali iz u ranijeg perioda eksploatacije ponovo su se potvrdili, a to je da ugalj iz ovih rudnika ne može biti alternativa uglju iz RMU Zenica.

Naime ugalj iz rudnika Gračanica i Ugljevik su mogli sagorijevati u procesu samostalno, međutim zbog male toplotne moći(11000-12000 kJ), mogu dati ograničene rezultate procesa na višim vanjskim temperaturama zraka.

Posljedica korištenja ovih ugljeva je i enormno povećanje potrošnje uglja u toku 2023.godine, a imajući u vidu relativno visoke prosječne temperature zraka, koje su bile u ovom izvještajnom period.

Ugalj iz rudnika RMU Banovići, RMU Đurđevik i RMU Breza iako imaju veću toplotnu vrijednost od gore navedenih ugljeva, koja bi teoretski bila dovoljna u procesu i sigurno po tom parametru bi predstavljala stvarnu alternativu uglju iz RMU Zenica, zbog tehničko-tehnoloških karakteristika kotla, kao i tehničkog-hemijskog sastava ovih ugljeva, isti nisu mogli biti samostalno korišten u procesu, nego u kombinaciji sa ugljevima manje toplotne vrijednosti u određenoj recepturi, a sve da bi smo zadovoljili zahtjeve sistema grijanja.

Također konstantno je bio prisutan problem, prilikom isporuke, što nikada niste mogli očekivati isti kvalitet isporučenog uglja iz istog rudnika već kvalitet varirao i bio u zavisnosti od trenutnog stanja i eventualnih problema u svakom pojedinom rudniku.

Ovdje bi smo napomenuli da osim ovih tehničko-tehnoloških problema sa nabavkom i eksploatacijom uglja, novi momenat u 2023.godini je bilo i novo povećanje cijene uglja za oko 37%, kao i povećanje cijene električne energije za 20% i cijene vode za 27%.

Kao posljedica povećanja cijena energenata i ostalih troškova u 2023.godini došlo je i do povećanja cijene grijanja na početku grejne sezone 2023./2024. godine i to za 20% za sve korisnike, što je predstavljalo minimalan procenat povećanja u odnosu na stvarno povećanje posebno materijalnih troškova, a razliku povećanja troškova je Toplana preuzela u obavezu pokriti iz vlastitih ušteda i tekućeg poslovanja.

U vrijeme kada pišemo izvještaj o radu za 2023.godinu potvrđene su informacije iz većine rudnika iz koncerna Elektroprivrede BiH, čiji smo ugalj planirali koristiti u grejnoj sezoni 2024./2025., da je došlo do novog povećanja cijene uglja za 30-45%.

Ako se najavljeno povećanje provede od 01.04.2024.godine kako su najavili dobavljači, to će sigurno imati uticaj na već usvojeni finansijski plan poslovanja za 2024.godinu, jer je javni poziv za nabavku uglja za sezonu 2024./2025. godinu u toku.

U tom slučaju u planu poslovanja za 2024.godinu trebat će predvidjeti novo povećanje cijene grijanja za minimalno 10%, za sve korisnike što je opet predstavlja minimalan iznos povećanja cijene grijanja u odnosu na procenat povećanja najavljene cijene uglja.

U cilju prevencije problema Toplana je u toku 2023.godine koristila i ugalj iz uvoza odnosno "Češki" ugalj koji je toplana koristila u maloj količini (oko 30 tona) koja je bila dostupna na tržištu, kao i zbog visoke cijene koštanja u odnosu na ostale domaće ugljeve.

Ovaj ugalj daje odlične rezultate i može se koristiti u procesu, trenutno se može naći na tržištu u većim količinama ali mu je cijena dvostruko veća od cijena domaćih ugljeva što bi iziskivalo dvostruko povećanje troškova predviđenim za ugalj u 2024.godini što nije realno i finansijski izvodivo sa ovim cijenama usluge grijanja.

U izvještaju smo dali nešto detaljniji pregled dešavanja vezano za dešavanja oko nabavke uglja, te na taj način želimo upoznati sve relevantne organe da je problem nabavke uglja, konstantno povećanja cijene uglja, a u isto vrijeme sve lošiji kvalitet uglja u toku prethodne 3 godine sada potpuno eskalirao, te će i priprema naredne grejne sezone 2024./2025. godine biti još složenija imajući u vidu ovu činjenicu.

Dio

3

## Zaključci Općinskog vijeća Tešanj za 2022.godinu

Općinsko vijeće Tešanj je na svojoj 25. tematskoj sjednici održanoj dana 26.05.2023. godine, razmatrajući informaciju o poslovanju JP Toplana d.d. Tešanj za 2022. godinu, donijelo slijedeći zaključak:

*Općinsko vijeće Tešanj očekuje da JP Toplana Tešanj kontinuirano radi na ispunjenju zaključaka i smjernica Općinskog vijeća Tešanj koje su usvojene na 7. sjednici Općinskog vijeća Tešanj (juni 2021.godine) i 13. sjednici Sjednici Općinskog vijeća Tešanj (januar 2022.godine)*



Imajući u vidu zaključke Općinskog vijeća sa 7. sjednici Općinskog vijeća Tešanj (juni 2021.godine) i 13. sjednici Sjednici Općinskog vijeća Tešanj (januar 2022.godine), kao i činjenicu da smo po istim zaključcima sa prethodnih sjednica iznijeli svoje stavove i naveli poduzete aktivnosti po svim pojedinačnim zaključcima sa datim obrazloženjima ovdje bi smo se osvrnuli na nastavaka realizacije najbitnijih zaključaka čija je realizacija još uvijek u tok.

Neke aktivnosti obrađene su kroz rezultate, ciljeve i zaključak u ovom izvještaju, pa ih ne bismo ponavljali a ovdje bi se osvrnuli na realizaciju i poduzete aktivnostima po najbitnijim zaključcima u toku 2023.godine, a nakon 25. tematske sjednice.

- 1) U skladu sa Strategijom razvoja i planovima JP Toplana d.d. Tešanj, u saradnji sa većinskim vlasnikom – Općinom Tešanj JP TOPLANA d.d. Tešanj je izradila Idejni projekat REKONSTRUKCIJE VRELOVODA KRUŽNI TOK-KRNDIJA TEŠANJ, koji za cilj ima da se postojeći priključni vrelovod za naselje Kmdija dimenzije DN 125, zamjeni novo dimenzionisanim cjevovodom DN 150.

*Na ovaj način bilo bi omogućeno dalje priključenje novih korisnika u naselju Kmdija, kao i dobijanje boljih parametara procesa za postojeće korisnike.*

*Za navedeni projekat u toku 2022.godini smo uradili aplikaciju po javnom pozivu upućenom od strane Fonda za zaštitu okoliša, te za realizaciju I faze ovog projekta tražili 150.000,00 KM. Međutim od strane Fonda za zaštitu okoliša, dana 06.02.2022 smo dobili obavještenje o poništenju javnog konkursa za dodjelu sredstava za realizaciju projekata, te sada treba nastaviti tražiti mogućnosti finansiranja kroz dodjelu budžetskih sredstava za kapitalne projekte Općine Tešanj u 2024.godini, kao i ponovnu aplikaciju po javnom pozivu koji očekujemo od strane Fonda za zaštitu okoliša u 2024.godini.*

- 2) JP Toplana d.d. Tešanj je i u drugoj polovini 2022.godine nastavila sa aktivnostima na realizaciji projekta TOPLIFIKACIJA OPĆINE TEŠANJ OBNOVLJIVIM/EKOLOŠKI PRIHVATLJIVIM IZVORIMA ENERGIJE-FAZA I, etapa I, a vezano za javni poziv upućen od strane ČRO, putem Fonda za zaštitu okoliš FBiH, tako da smo u septembru 2022.godine imali posjetu delegacije predstavnika Češke ambasade, ČRO, Fonda za zaštitu okoliš FBiH te smo na zajedničkim sastancima koji su održani u Općini Tešanj i Toplani analizirali čitav projekat, kao i dali dodatna pojašnjenja, garancije i odgovore na postavljena pitanja.

*Nakon toga, putem poslovnog pisma, obavješteni smo od strane ČRO da je naš projekat dobio konačnu potvrdu od strane Češke vlade i da Češka strana ide u realizaciju projekta.*

*Sve to je potvrđeno i mjesecu januaru 2023.godine, na web konferenciji, u kojoj su učešće uzeli svi ranije navedeni akteri, te je konačan zaključak bio da se sve planirane aktivnosti završe do grejne sezone 2024./2025. godine, kada bi u potpunosti projekat bio završen i kotao na BIO-masu pušten u rad. Posljednje informacije iz marta 2024.godine, koje su potvrđene od strane Fonda za zaštitu okoliš FBiH, je da se očekuje ponovni dolazak češke delegacije u prvoj polovici ove godine, te bi se jasno tražili izjašnjenja ČRO o početku realizacije ovog projekta.*

*Ovaj projekat i njegova realizacija sada imaju još veći značaj imajući u vidu sve veće probleme sa ugljem kao i problemima u kojima se nalaze rudnici u BiH.*



Direktor JP Toplana d.d. Tešanj  
Enes Galijašević, dipl. inž.maš.

## Ocjena Nadzornog odbora i mjere

JP Toplana je za grijnu sezonu 2023. godine poduzela razne aktivnosti za prevazilaženje problema, te je naposljetku ista privedena kraju uz minimalne primjedbe korisnika, proizvodnja i isporuka toplotne energije je vršena uredno i kontinuirano bez zastoja, djelimično i zbog izuzetno viskih prosječnih temperatura za period zimskih mjeseci ove grijne sezone.

Toplana Tešanj uspjela ostvariti svoju osnovnu misiju a to je da pravnim subjektima i građanima Općine Tešanj obezbijedi kontinuirano i bez zastoja, u određenim danima sa lošijim parametrima odnosno nekvalitetnim grijanjem, snabdjevanje toplotnom energijom.

U drugom dijelu 2023. godine su obezbjeđene dovoljne količine uglja zadovoljavajuće kvalitete i 2023. godina je privedena kraju sa kontinuiranom isporukom toplotne energije i kvalitetnim grijanjem. U neformalnim razgovorima mnogi građani, korisnici usluga grijanja su izrazili svoje zadovoljstvo i sve pohvale za grijnu sezonu 2023. godine.

Također zadovoljstvo korisnika je potvrđeno i kroz anketu koju provodimo na kraju svake sezone, gdje je ukupna ocjena zadovoljstva 4,52 (maksimalna ocjena je 5).

Da se obezbjede dovoljne količine uglja sa zadovoljavajućom kvalitetom u sezoni 2023. bilo je potrebno dosta mukotrpnog rada i teških odluka, kako Uprave JP Toplane tako i Nadzornog odbora.

Nadzorni odbor i Uprava JP Toplane su i u 2023. godini imali odličnu saradnju za koju možemo reći da je nastavak dobre prakse koja je prenešena iz prethodnih godina.

Finansijski izvještaj ovog Društva u period od 01. 01. 2023. godine do 31. 12. 2023. godine urađen je u skladu sa Zakonom o računovodstvu, Međunarodnim računovodstvenim standardima, Međunarodnim standardima finansijskog izvještavanja i tumačenjima Međunarodnog odbora za računovodstvene standarde.

JP Toplana je 2023. godinu završilo sa ostvarenom dobiti od 7.678,00 KM, u odnosu na prethodne godine kada je dobit iznosila 51.686,00 KM a razlog je naveden kroz ovaj izvješta te se ogleda u povećanoj potrošnji uglja iz razloga loše kvalitete a povećane cijene. Još jedan od razloga male dobiti je činjenica da smo se odlučili da idemo sa minimalnim povećanjem cijene prema krajnjim korisnicima kako bi održali pozitivno poslovanje i zadržali kontinuitet rada JP Toplane.

Nadzorni odbor daje prijedlog Skupštini društva da se dobit od 7.678,00 KM raspodjeli za pokriće prenesenih gubitaka, prema planu sanacije gubitka iz 2013. godine i revidiranom planu iz 2019. godine.

JP Toplana kao i prethodnih godina ima problem naplate svojih potraživanja. U posljednje vrijeme, gdje prevladava svjetska ekonomska kriza, koja je je dovela do velikog rasta cijena, posebno hrane i energenata, političke napetosti, trgovinske i finansijske poremećaje, što je rezultiralo i slabiju naplatu potraživanja od klijenata. Shodno navedenom, Nadzorni odbor zajedno sa Upravom ovaj problem kontinuirano nastojao riješiti kroz redovne tačke dnevnog reda koje su bile zastupljene na svakoj sjednici Nadzornog odbora. Ove tačke dnevnog reda su se ogledale kroz izvještaje direktora o realizaciji zaključaka sa prethodne sjednice Nadzornog odbora i izvještaja o stepenu naplate i potraživanja.

Rad Nadzornog odbora u proteklih godinu dana obuhvatio je:

- razmatranje kvartalnih rezultata kroz informaciju o ostvarenim troškovima
- razmatranje šestomjesečnih izvještaja i izvještaja o poslovanju
- donošenje Poslovnog plana za 2023. godinu
- analiza izvještaja Odbora za reviziju
- analiza dosadašnjih urađenih remonta opreme i postrojenja
- analiza potrošnje uglja u protekloj grejnoj sezoni,
- analiza izvještaja Plana javnih nabavki za 2023. godinu

S obzirom na konstantno i ubrzano širenje naselja Krndija, a imajući u vidu i najavljene projekte, neophodno je raditi na proširenju kapaciteta toplovoda prema pomenutom naselju. S tim u vezi neophodno je izvršiti zamjenu vrelovoda na dionici kružni tok - naselje Krndija, jer postojeći vrelovod neće biti dovoljan da zadovolji potrebe konzuma. U skladu sa Strategijom razvoja i planovima JP Toplana d.d. Tešanj, u saradnji sa većinskim vlasnikom – Općinom Tešanj JP TOPLANA d.d. Tešanj je izradila Idejni projekat REKONSTRUKCIJE VRELOVODA KRUŽNI TOK-KRNDIJA TEŠANJ, koji za cilj ima da se postojeći priključni vrelovod za naselje Krndija dimenzije DN 125, zamjeni novo dimenzionisanim cjevovodom DN 150. Na ovaj način bilo bi omogućeno dalje priključenje novih korisnika u naselju Krndija, kao i dobijanje boljih parametara procesa za postojeće korisnike.

Zbog zastarjelih proizvodnih postrojenja, neophodno je nastaviti započete aktivnosti, prvenstveno na zamjeni postojećih kotlova na uglj sa kotlovima na bio masu u skladu sa Idejnim rješenjem toplifikacije Općine Tešanj i Tehno-ekonomskoj studiji: Idejni projekat toplifikacija Općine Tešanj obnovljivim/ekološki prihvatljivim izvorima energije-FAZA I.

Zamjena postojećih kotlova na uglj sa kotlovima na bio masu ima još veći značaj i prioritet, imajući u vidu sve veće probleme sa kojim se Uprava društva susreće oko nabavke uglja, kvaliteta uglja, a koja su kao posljedica organizacionih problema samih rudnika. Ovi problemni oko nabavke kvalitetnog uglja, odnosno uglja koji zadovoljava potrebe JP Toplana su iz godine u godinu sve izraženiji, te shodno tome posebno ukazujemo na ovaj problem i potrebu za ostvarenje gore navedenog cilja kako u narednom periodu ne bi došlo do većih zastoja u isporuci toplotne energije.

S obzirom na sve navedene probleme vezane za nabavku uglja koje je imala i još uvijek ima JP Toplana Tešanj u 2022. i 2023. godini, a s tim u vezi i poskupljenja koju su bila neophodna za isporuku grijanja zbog nemogućnosti nabavke uglja adekvatne kalorijske vrijednosti, lošeg kvaliteta alternativnih vrsta uglja koje smo bili primorani nabavljati u svrhu kontinuiteta u isporuci grijanja, višestrukih poskupljenja svih vrsta uglja i energenata, te niza poteškoća u procedurama javnih nabavki smatram neophodnim da se što je moguće prije ovaj problem uvrsti kao prioritet Osnivača i Skupštine kako bi se preventivno djelovalo za narednu grejnu sezonu. Urgentno je istražiti sve mogućnosti prelaska rada JP Toplane Tešanj na bio-masu i / ili druge alternativne načine proizvodnje toplotne energije kako bi se ispunila vizija i misija ovog javnog preduzeća i preduzeće pozitivno poslovalo u buduću.

Dakle, zbog velikog rizika za uspješno poslovanje za slijedeću i sve naredne grejne sezone i brojnih faktora rizika za kontinuiranu isporuku toplotne energije po realnim cijenama ukazujemo na hitnost rješavanja navedenih problema.

Predsjednik Nadzornog odbora

Almir Ljevaković, dipl.maš.ing.

